

故宮
珍藏

皇

清

文

穎

故宮博物院編

海南出版社

第二冊

共五冊

故宮珍本叢刊第 647 冊清代詩文總集

故宮博物院編

皇清文穎

第二冊(共五冊)

海南出版社

圖書在版編目(CIP)數據

御選唐宋元明詩/(清)聖祖選編. —影印本. —海口:海南出版社, 2000. 10
(故宮珍本叢刊)

本書與“宋元詩會/(清)陳焯編”等 9 種書合訂

ISBN 7-80645-752-6

I. 御… II. 聖… III. 文學-作品綜合集-中國-古代 IV. Z121.7

中國版本圖書館 CIP 數據核字(1999)第 68763 號

故宮珍本叢刊第 647 冊

清代詩文總集

皇清文穎

第二冊(共五冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:23 印數:1-400 冊

ISBN 7-80645-752-6/Z·29

定價:4170 元(清代詩文總集 10 種共 27 冊)

本書如有印裝質量方面問題請與我社或承印廠聯係
我社爲本書每冊(種)書新編的目錄均置於每冊書末

皇清文頴卷首二十一

御製詩

七言古詩

銅鼓歌

雍正庚戌秋九月廣西撫臣金鉉進銅鼓一云民間墾田所得名諸葛鼓相傳諸葛亮以鼓鎮蠻云因歌以紀之

赤帝失御火不燔冠以苴履翻坤乾靖王後裔英且

皇清文頴

卷二十一 詩

一

賢慨然奮義振中原南陽之藪臥龍蟠下車三顧意何虔龍飛雲路見在田君臣相得魚水歡東使吳會騁辨言八十萬衆成灰烟西入益州莫本根鼎足峙立固且完永安宮裏龍髯攀調和宮府整而閑命師南指定鐘頑七擒七縱服諸蠻鑄銅成鼓永鎮旃風雨侵蝕年復年數易時代陵谷遷下巢蚯蚓鄰黃泉照臨無復資魄淵濡潤還沾雨露偏崇鼎貫鼎增爛斑獨於厚地全其天由來奇物終播宣一朝光氣騰

荒阡施厥耨鋤瓦礫翻有聲鞺鞳非絲絃宛然銅鼓

形不刊洗剔苔蘚光澤鮮驚看老幼何喧闐大吏表進

九重前爲陳檀案撤包氊聚觀羣下充庭軒試加擊伐聲哼哼大鵬搏風長鯨噴上有四蛤猗猗蹲旁有雙耳綬色緼龜紋虬篆隱隱存覆之黃練加束純方今

舜目闢四門兩間並獻貞符繁不誇寶鼎出河汾詎

皇清文頴

卷二十一 詩

二

數劒氣沖斗躔我聞置鼓召諫臣訪察民隱牧元元此應其兆無乃然坐見讜議日聯翩鏞鐘大叩張宮懸

讀司馬溫公諫院題名記

豐碑聳立高尋尺銀鉤鐵畫生光澤纍纍若若同時榮莫混賢姦一片石天風凜烈護剛堅表列生平勝竹帛他年元祐鈞黨臣義形石工傳安民豈知後世翻寶愛幾與諫院題名鄰君不見山可礪兮河可帶

桑田滄海還相代此名一留不復敗

自鳴鐘

扶桑日出海門紅大秦西洋颺景風懸橦度索底貢
同於皇聲教敷天通梯航山海來朝宗厥獻奇物自
鳴鐘銅輪鐵絃凡幾重機軸循環運其中應時滴響
聲春容挈壺無所施其功精巧絕倫疑鬼工僊班流
汗難追踪異哉茲物無始終週歷晝夜春與冬懸置
几上勝金鏞晚報日昃曉曙東我聞寶賢寶物雖不
皇清文穎 卷二十一 詩 三

同咸賓亦足效球共考時定律佐三農此鐘之利貽

無窮

題宋宣和清明上河圖用駱賓王帝京篇韻

大禹敷水土導河過龍門潏決萬里間卓爲羣瀆尊
流經積石走函谷東過洛汭繞甸服土中自古稱洛
都襟帶山河雄地軸維昔宣和全盛時寒食初過一
百六淡烟輕雨清明天踏青歲歲侈華屋華屋朱樓
金闕限千門萬戶天邊開飛花香滿宜春苑稱觴獻

壽柏梁臺佩響千官入山呼萬乘來簪裾艷文藻雲

漢儼昭回梯航萬里至輻輳日中市綺縠揚粉袂連

袂如雲起柳陰暗沙堤花光明御水寶蓋蔡京車高

牙童貫里中樞甲第起崇墉相國高堂列鼓鐘道君

禮樂三千盛孱國山川百二重春入上林迎旭日雲

開水殿躍飛龍龍樓鳳閣相輝映山城鼓吹春遊盛

春遊處處多貴臣青驄駟駟車鄰鄰明月樓中邀上

客紫薇花下宴嘉賓滿堂珠履珍羞錯從容欵曲金

皇清文穎

卷二十一

四

蘭親斜陽返照天欲暮汴水橋邊車馬度橋邊街市

何喧闐萬貨千商夾道路路旁桃李紛芳菲遊人雜

遯白馬肥朝催玉勒花間去暮拂金鞭柳岸歸頗厭

錦繡服新裁白紵衣劇孟風未峻郭解力猶微平生

但言憑義氣捨身許友未覺非郊畿靄靄帶晴雲稻

田桑圃望中分村墟景象多幽趣點綴虫虫忘帝勲

婦子嬉無節長幼略無文常樂昇平烽火息霸陵閒

却故將軍柳堤遊客艤船待一櫂輕移山勢改嫣紅

粉白夾岸嬌蘭橈畫舫中流在中流競渡各紛馳渡
口魚磯疊石爲更有一川風景別身在蓬萊自不知
蓬萊宮殿何繁華瑤島瓊臺入坐賒仙人爐煉長生
藥羽客丹成九轉砂靈素作安期遺我棗如瓜驅山
走海丹青變筆底烟雲紙上見神思妙藝山清新偶
然展軸驚萬人巧贍奪天工結構含精氣遠過顧虎
頭不數陸仙尉仇子此卷何爲哉燕雀嬉嬉畫裏來
驅鄰自召強鄰侮繁華侈泰禍之媒牛車俛首受縛
皇清文穎 卷二十一 詩 五
去冰天雪窖嗟徘徊卽今歌舞地花發爲誰開空留
遺跡在憑弔費詩才

德壽寺古鼎歌

龍宮巍巍紫氣軒輝耀懷襄煥崇垣寺名德壽菴羅
園刹竿高掛珊瑚旛停鞭卸轡山門前一滴欲尋曹
溪源東瞻紫霧明朝瞰清涼頓覺隔塵喧香浮寶殿
謁世尊兀然古鼎吐雲烟何人鎔冶工雕鐫金翠斑
爛歷歲年上文雷回下雲紆猗猗狀類獅子蹲籀書

斯篆跡難分世次那辨癸與辛蝌蚪盤屈蛟龍奔周
彝虞敦恍猶存葆精凝潤疑瓊璫寒光欲流不可捫
日月照射輪朝昏濯洗全資雨露恩在昔盛事傳橫
汾此鼎神異邁等倫我欲負之千蹄健移向帝闕鎮
厚坤充以大武佐魚豚萬斤木火爲之燔有實大亨
養聖賢

望雪行

今年三冬未見雪同雲苦被風吹散夜觀望舒如鏡

皇清文穎 卷二十一 詩

六

明曉看翔陽似冰潔秋麥全資冬雪培遙識農家望
歲切我聞三白兆豐年望霰先集心如結上帝穹窿
坐玉京青女滕六分行列如何不一駕雲車試剪飛
瓊噴玉屑飄飄灑灑頃刻間利我三農都喜悅

春蔬

春融地氣如膏滑一畦烟甲隨雷發檐前小鳥喚春
眠裛露携籃勤采掇早韭初菰紛列盤清芬細嚼冰
齒寒淡泊有味取次領旦晚爲爾還加餐君不見一

食千金丞相府猶說區區難下箸

雨前茶

穀雨前春雷後色染鶯黃新上柳携籠男婦谿山走
爭試采茶三昧手日烘山腰暖碧雲槍旗半吐搖酣
春賣與商人博衣食徒勞曾未沾其唇伊予品泉逸
興除啜罷還憶貧民家新絲新穀都已賣卽今又賣
新芽茶

有鳥二十章

皇清文穎

卷二十一 詩

七

孔子教小子曰詩可以興又曰多識於鳥獸草木
之名鳥獸草木中觸我性情有興機焉若徒追琢
字句強裁聲韻烏可與言詩哉唐元微之作有鳥
二十章備載鴟鵂老鳥諸惡鳥之可憎雖疾世之
憤辭然不失三百詩人之旨予讀而慕之倣其體
亦成二十章所詠者皆鳳凰鸚鵡鷺諸名禽微之以
刺而示戒予以美而示勸其有助於性情一也至
於風格之高鍾鍊之雅予固未能及古人觀者取

其意而略其辭焉

有鳥有鳥百鳥王雄爲鳳兮雌爲凰朝棲崑圃飲玉
露夕宿蓬島餐琳瑯九苞六德耀文明恢恢天宇恣
翱翔厥惟聖人修至德來巢阿閣呈嘉祥藹藹吉士
馳王路千秋萬載邦家光

有鳥有鳥名朱鷺波靜昆明常顧步漢鼓曾標樂府
聲周舞亦載詩人賦振振有序羽翮聯和鳴未許雜
孤鷺玉筍班中識爾名由來博得人人慕

皇清文穎

卷二十一 詩

八

有鳥有鳥雙鴛鴦接翼交頸遊方塘共宿蘭沼何容
與同飛鏡浦相迴翔若有人兮翠袖裳思夫君兮天
一方春朝步兮春池旁覩佳禽兮增慨慷

有鳥有鳥在水滸飛鳴行搖如相語如相語相急難
相急難兮食不安遠羅網兮泛清瀾啄蘆頭兮心共
閒君不見悌有鵲鴿孝有烏人稟秀靈如不如

有鳥有鳥聲緝蠻遷喬求友出谷間楚楚金衣綠陰
裏諧鳴玉管呌春闌高齋日午簾幙悄側耳徐聽音

未了生平不少素心人關山迢遞予懷渺

有鳥有鳥曰靈鵲羽族本天似先覺但不告憂惟告
樂惠迪則吉宜忖度憑茲作喜易舛錯鳥智人愚非
見謔

有鳥有鳥名布穀高喚枝頭村柳綠村老聞聲急荷
鋤趁時耕作還相勗東隣西舍催耕遍喉吻苦乾飲
水曲不似籠中雙畫眉巧言但博主人肉

有鳥有鳥枝上啼啼聲風送到深閨聲聲催織當春

皇清文頌

卷二十一 詩

九

日織女聽罷顰雙眉飽顰方作繭那易成新絲新絲
還要賣匹帛安可期我願拖綾曳錦者常念荊簪忍
凍時

有鳥有鳥如輕舟毛衣皓潔名沙鷗穩宿洞庭秋夜
月閒泛瀟湘烟水流將雛命侶頗自得對爾還似逍
遙遊

有鳥有鳥名鴻鴈秋去春來期不變成羣飲宿向沙
洲蘆葦蕭騷波瀲灩古人重爾信義敦嘉禮親迎用

致莫如何世人轉不如糟糠富貴分欣厭

有鳥有鳥雉將雛雛兒聲泣學母呼壠上風搖麥浪
絲引雛拾蟲却相逐大堤年少挾金丸見雉此意不
肯彈彈雉雛兒誰爲哺彈雛却憐雉心寒收弓擲丸
不復看

有鳥有鳥慈烏鴉飛集庭樹聲啞啞聲啞啞引其雛
羽毛翩翩尾畢逋尾畢逋雛亦長烏老更借其雛養
母爲慈兮子爲孝禽鳥亦識人之道

皇清文頌

卷二十一 詩

十

有鳥有鳥清秋隼獨韻金風利爪吻勁氣猙獰似駿
驄眼疾身輕雙翅敏晴臯一下萬山青狐兔燕雀藏
伏盡

有鳥有鳥名黃鵠軒軒霞舉超凡俗矯翩翩躩來玉
京却向太液池邊浴隨仙去後空餘樓入琴彈罷猶
思曲冥冥灝氣恣翱翔引我欲窮千里目

有鳥有鳥雲錦文巴山靈禽夙所開的的彩色映日
麗煌煌繪羽翻風新奇姿藻耀欺凡鳥雕籠飲啄爲

君老却勝埒頭村鷄鳴瘦立風霜報天曉

有鳥有鳥呈符瑞援毫作歌紀其事伊昔明皇卽位
初貝州飛蝗害苗穗乃有白鳥凡數千一一啄啄蝗
盡斃當時姚宋作相公調和變理稱郅治開元天寶
易治亂玉妃擅寵昭陽殿祿山食人如食禾嗟此蝗
兮可若何安得白鳥大如蓋食此蝗兮安內外

有鳥有鳥志不移啣石填海無已時海却何時滿石
亦何時斷但見羽毛秃兀爪喙疲咄哉汝鳥尚有志

皇清文穎

卷二十一詩

十一

人而無志鳥所嗤

有鳥有鳥雙白鵬清秋玉立菰蒲灘踏波緩舞藻文
動澄流照影翩珊珊性情高潔如其色自首至尾無
點黑俗眼欲看看不得

有鳥有鳥金翠斑厥名孔雀產巴山產巴山來帝里
屏張藻耀文明起羽儀爲國獻嘉祥不甘戢翼巖阿
裏

有鳥有鳥雲間鶴萬年枝上欣所託勁羽梳風意態

孤清聲韻月響深壑常伴仙家丹鼎烟不慮虞人施
繒繳有時灑翮一高飛迢迢天路翔寥廓

觀刈麥

麥苗入夏結穗黃東壠西壠碩且長老農此日走田
忙腰鎌遍割樂歲穰笑看黃雲各成片密莖隨手行
行亂肩挑背負曬簷頭饘粥有餘他不美呼兒莫逐
飛來雀令渠亦識收成樂

擬杜工部洗兵馬行

皇清文穎

卷二十一詩

十二

長雲不隱關山月沙漠龍堆多戍卒壯士橫戈古戰
場將軍飲馬長城窟長城水寒馬不嘶刀環入夢多
歸思少婦樓頭咽橫笛一聲秋韻臨秋吹吹笛聲高
復聲下驚起匡牀高臥者側身吟望興咨嗟向天長
歌洗兵馬謂天蓋高聽自卑電光倏忽雷車馳雲師
雨伯揚青旗陰昆水族功並施盆傾瓶注遐邇滋洗
盡塵氛永息師男歸其家婦育兒九州安堵樂雍熙
壯士勇力亦奚爲欲挽天河安用之

夜臥聽雨憶平郡王

朱明屆候天方永如烘暑氣焦塵境座間揮扇手欲
疲林下乘風吹不冷今朝一雨洗煩囂入夜濛濛萬
綠靜楊柳陰中罷暮蟬梧桐枝上收清影時有匡牀
高臥人一杯芳潤澆苦茗夜涼霜簾好安眠芭蕉響
滴殘夢醒醒後悠悠動遠思思在龍堆連雪嶺如心
居士在軍營年來王事勞馳騁卽此清涼夜雨秋行
帳殘燈懸耿耿

皇清文頌

卷二十一 詩

三

天心仁愛當偃師坐看絕塞狼烟靖百萬健兒歸故
鄉淨洗兵戈只俄頃猶憶去年烟雨中綠簑共泛滄
波艇清宵蝶夢亦偶然人生何必歎浮梗借有好風
吹送詩知君應在三秋領

豐碑行

夕陽返照輝道周驅車古路西風秋路旁豐碑何其
稠森森插笏盤龍虬誰能細考姓氏留但聞土民說
所由明代貂璫威福擅司禮還兼御馬圈秉筆曾標

封事題內操更教昆明戰沒後養子不掃墳羣埋此
地多無算當時威燄劇熏人只今草掩流螢亂我聞
此語識興亡秦漢唐宋皆殷監私暱何曾念履霜竊
權頓令愁飛霰勒石猶誇爵里高千年青史誰能逃
辛勤汗馬創業勞大半拋擲由若曹

見桃樹下栽松感而有作

園中種樹羣芳滋幾年榮長紛歲蕤或列山側或傍
池同蒙雨露爭參差阿誰位置失其宜山桃下植青

皇清文頌

卷二十一 詩

古

松枝蜿蜒未放拏空奇甘爲蓊蔽嗟何辭春日抽條
綠葉披勢高獨占陽和私蔥蘢待到歲寒遲吁哉已
過煦嫗時我欲借問塲圃師種植顛倒意何爲青松
磊落龍鳳儀山桃弱質人所嗤胡居松上茂蔭垂因
循坐令虬枝萎自古掄才還若茲坐對感慨抒幽思
安得橐駝妙手移或棄山桃付芟夷良材俾沐三春
曦他年梁棟誠堪期

同五弟月夜舟歸

湖波漱灩當秋澄一輪寒浸秋月明上下清光星斗
 燦輕舠打槳中流行萬籟闐寂天在水蘆葦點點飛
 流螢長空沈寥堪妙會鴈行拈韻欣同賡詩成泊岸
 松窓臥還聽沿階蟋蟀鳴

秋浦泛舟

西風拂水烟波綠櫂過寒溪三四曲采采蒹葭颺白
 花臨流驚起雙鷗浴雙鷗忽入芰荷叢可憐寂寞餘
 殘紅錦帆畫舫披薰風猶憶競渡誇天中轉眼秋湖
 皇清文穎 卷二十一 詩 五
 明似鏡雲山倒影澄波靜岸柳寥蕭咽晚蟬艤舟月
 掛孤篷正

法海寺題壁

百年蘭若雲封戶山僧靜坐絕往還我來杖策尋幽
 勝啾啾山鳥鳴空山欲落未落楓葉赤乍斷乍續秋
 雲閒烟蘿石徑歸路杳孤月已上臨禪關

題秋山行旅圖

疎林葉落羊腸繞淒涼旅况燕山道馬蹄踏月人影

斜炊烟未散霜花曉世人名利紛勞勞空教驚起棲
 枝鳥

題王諤豐年農慶圖

金颺蕭蕭楓葉落高空爽氣橫寥廓如雲多稼漸登
 塲歡騰西墅連東郭白鷺下水鳥健閒池田波靜流
 潺湲秋原稌穗雜黃紫乍似春回萬井間剗豚烹魚
 爲翁壽新梁炊飯香噴口三時拮据豈徒勞共喜西
 成獲大有弱婦房中自理機砌蛩唧催寒閨可知
 皇清文穎 卷二十一 詩 六
 衣食民生切辛苦終年無已時

初夏日聞鶯

雨餘新綠林初鎖風傳曉曉聲聲可臨流度陌弄晴
 暉柳絲花片紛婀娜何處傷春不忍聽誰人求友最
 關情雙柑斗酒雨無賴繁絲孤竹空復鳴參差流韻
 紗窻綠金猊半炷蘭烟馥想見茆檐力穡人當作村
 頭呼布穀

瀛臺木變石歌倣李長吉體

大山穹谷崇且盤山頭鶴駐曾棲仙岑巒嶇崕扶屨

顏金堂玉室相鈎連雲興霞蔚吐紫烟含囊靈瑞如

陶甄靈林冥冥冠其巔其幽叢雜多桂蘭是爲天宇

宅天男乃有異木鎮厚坤屹蒼杜松非其倫蔽虧天

日無朝昏爲舟十數皆其孫匠石却顧持斧奔水龍

噴泉沃厥根啼蛄弔月星漏痕千雲負霜枝曲卷靈

鶴振翅毛羽鮮老桂漫誇吳質眠白榆空足沈郎錢

櫛櫛銀雲車蓋翩掛以雙丸繞鳧淵壽比散木已有

皇清文頌

卷二十一 詩

七

年女夷不敢司厥權付之圓蓋全其天枝離幻作秦

女焉會觀木石茲同壇爲髮爲身一體全亭亭傑豎

無比肩暖春生玉疑藍田磷磷爛爛出五源女媧煉

石茲尚存傍林插巖絕攀援奇礪詎妨山溜穿五丁

不可奪其堅端州石工安足論移來曾受海神鞭五

車能上束馬牽都下傾城咸厭觀方壺蓬島資盤桓

辭山不戀山木繁瓊臺瑤室何丸丸采恩風叫露掌

寒漢唐池館今依然爲薪非火悟火傳

蓼花紅

蓼花紅蘆花白緋桃雪梨無顏色草木芳榮各有時
韶華一去不復追君不見大禹惜陰爭一寸吁嗟老
大將何爲

關山月

關山月秋倍明寒楓積草涼颼生皎皎懸空漠海白
沙蛩霜鴈寒聲并關山月今異昔烽烟久靖田疇闢
不似當年戍卒憶家鄉亦或戰塲覆沒孤魂魄關山

皇清文頌

卷二十一 詩

六

月昔異今卽今秋蒐乘輿惟閒吟前車堪作後車鑒

持盈保泰惕予心

熱

朱明遲度丹霄上萬籟無聲靜琴響暑氣生侵玳瑁
牀涼颼不到文羅幌砌裂苔紋破篆痕戶饒梅潤濕
柱礫生憎蟬嘒聒耳煩况復鳩鳴懸念想豈無沈李
與浮瓜林園坐啓層軒敞念彼公田待澤久耕犁未
舉將生莽笠底老農畏赫曦冰壺那忍獨延爽吁嗟

又復夏云半宵瞻雲漢徒首仰側聞上蒼心好生解
澤詎久遲長養扶桑湧現火輪紅夜以繼日勞悵快
錦樣三春忽忽過炎炎永晝薰風盪何能習靜學禪
師丈室安心息紛攘

望法海寺

雨後西山翠如洗嵐光浮座秀尺咫似聞鐘磬林外
鳴常有雲烟峯半起就中法海古精藍曾遊記得禪

關美風戛松筠紛竿笙霜酣榭相垂紅紫旋開寶殿

皇清文類

卷二十一 詩

九

鎖琅璫法王獅座虔瞻禮偶然遊戲探曹溪山僧爲

我參一指今朝望裏試重尋昔猶非昔今豈是眺遠

閣中一覽時

舊遊法海寺有却供眺
遠閣一覽餘清省之句

由來不隔彼與

此

耘田者

老農炙背耘田苗汗濕田土如流膏廣庭揮扇猶嫌
暑彼何爲兮獨不苦獨不苦兮無奈何未見應比見
者多農兮農兮良苦辛慙媿身爲玉食人

神仙引

騎龍曉赴三清朝翱翔紫府偕仝喬東遊海上喚太
真重舞霓裳按六么黃鶴赤鸞棲瑤圃神之君兮翩
來下叶一聲長嘯萬竅風幾迴灑涕三秋雨俯視齊
州十三點滄桑屢變增吁感壺中日月不堂堂洞口
春光亦冉冉瑤爲堦兮金爲室中有至人不可識若
把貪嗔癡念求秦皇漢武求應得

閩闔篇

皇清文類

卷二十一 詩

三

跌蕩天門黃道開層城十二光回回祥風吹扇旭影
來兩兩列宿排三台五雲耀彩春徘徊迎薰豁達徹
九垓予心如是思深哉無所隱蔽宇量恢出入登進
惟賢才

題郭河陽雪山行旅圖

天娥快剪剪薄紈瓊華一夜纈萬巒臨風玉樹枝簇
攢大地變作銀界觀凍峽千尺白龍蟠濺壁大小皆
珠丸哈呀巖巖那可攀剩有羊腸路屈盤誰欺馬背

凌兢寒羸僕戰家尤堪憐溪橋滑刺手足攣冷風吹
揭墊角冠名利子也何足歎谷迴路轉茅屋連茅屋
有客疑袁安披卷笑傲忘朝餐嚴威栗烈不可干河
陽此法摹范寬當前勞逸憑君看

秋夕南紅門行宮對月

去歲龍沙試秋彌關山月色閒吟遣今宵桂魄還分
明離宮照我無限情誰知幾缺復幾圓暗換今年與
去年去年月卽今年月何必視昔空悵然白露灑灑
皇清文頌 卷二十一 詩 三

衣袂冷倚楹相對忘懷永

鑿冰放舟

春入湖心冰力弱東風料峭何曾著諺云春風著人不著水鏡
掩鸞光黯欲逃壁剖羊脂分來薄碌碌冰牀聲已收
中流遲放飛鳧舟零漸碎凍不可亂亭臺寂寞榜人
愁齊趁午晴呼什侶曲鉤利戟長柄杵截方裁角片
片瑩撐來仍向冰中貯忽疑銀浦泛瓊珂錦帆飛過
太液波不比凌人載周禮還如漢使窮天河鑿冰已

過二之日匪納諺門典何出朝寒仍復結琉璃侵晨
工作衝嚴慄吁嗟黃頭効勤良可歎瘡手皸足不忍
看自今欲戒游觀興瑤編獨對心神瑩

花朝無花之作

昨歲花朝花燦爛今年花朝花信慢曉來佳節正春
中忽見花旛綴別院瑤華琪樹相鮮新嫣紅姹紫枝
頭綯坐令女夷增光輝何須剪綵陳家媛韶華透漏
已如茲高閣丁丁報銀箭莫嗟晚圃少芳菲會看紛
皇清文頌 卷二十一 詩 三

紛亂如霰

十駿圖歌

羣空冀北星輝房天閑十二有驪黃赤汗流赭太一
况叶就中最數萬吉驪龍顙鳳聳誠昂藏驊騮闕虎
威武揚四蹄踔踔騰康莊玉獅子貢自法王超跋躡
景馳叶上花間敲句移銀牀俊逸尤讓霹靂驤權
奇倣儻孰能方龍沙一馳殪千狼是爲渥洼產中良
雪點鵬臂三冬涼狐兔奔避雉雀惶有驕有驕自在

名^叶朝驚蜀越夕齊梁徒傳魯牧駟有皇奔霄荏鐵
駛異常不須鞭策追星芒赤花鷹來大宛鄉磊落獨
步驥子英^叶翩翩鸞鳳雲中翔籥雲之馭馴且剛百
里底用宿春糧嗟予無德御萬邦肯學八駿窮八荒
懷乎朽馭刻敢忘來賓用誌祖澤長金輅玉仗開闔
閭田車弗駕坐明堂驅馳樂園遊禮場六龍時乘受
天慶

皇清文頌

卷二十一

三

神木行

黃木廠有巨木長六十尺其圍臥地蔽
騎者弗相見也土人稱曰神木相傳明

初建北京時自南方輦致之以其不中繩墨
故弗用其皮膚因年久剝蝕視昔爲猶減云

孱顏穹谷羗天宇冥靈大椿生是所天地精英神鬼
輔化爲鄧林疑夸父燕京初建明成祖搜索室奉爲
楹柱撫之不中雷霆妬^叶虎狼怒齧蛟噩雨千夫昇
走日里許夷山堙壑壞屋廡難依繩尺梓弗取橫岡
偃臥安厥處閱歷歲月殊今古徑類修蛇圍若堵騎
人去來蔽弗覩之篆剝蝕蟲與鼠謂云神木神其下
我聞樗不天斤斧胡遭大斲辭嶇嶇視之快振差^叶

猶愈材不材間應見汝

雨中焚香泛臥遊書室

霏霏細雨千絲懸滄波萬頃含輕烟吐蒲岸柳濯新
綠棠舟偶泛空濛川浮波野鷗梳濕羽亞隄山卉垂
幽娟臥遊奚必披圖畫翛然清絕消萬緣宣銅乳爐
烏卿熾深深隔火安古錢不須都梁五木品水沉細
炷清芬便細參鼻觀滌塵想却憶書室曾忘筌油雲
忽來天宇噴灑迥如聞飛瀑泉無色聲香原卽此笑
皇清文頌

卷二十一

三

伊兀坐求迷禪

素絲行

陌桑甚落成枯杙蓬屋呻吟軋鳴線車線絲縷縷長且
白爲織吳綾與越紗吳綾越紗薄似霧美人中裙裁
紵布殷勤熨貼臨溪浣惟恐纖塵或沾污素絲素絲
如君子太初之色通表裏云胡黃黑任人爲墨子悲
之良有以

觀敖漢瀑布水

我聞奧區天所秘疑信向半今信然浩浩萬里沙漠

塞乃有瀑水崇岡懸車塵方苦紛塌盭豁開壺裏別

有天侵尋峰岫羅嘉樹漸潤澗谷無埃烟是時仲秋

曝晶日忽聞雷聲殷前川坐令林巒失輕籟朗吟清

眺萬慮蠲大者明珠小者璣如傾栲栳投深淵虎狼

駭走不敢飲下疑千載蒼龍眠巨石橫斷無土壤粵

生美箭竒而堅山葉紅綠如錯繡無名野卉相新鮮

鸛鵠徘徊不忍去鼙鼙時向虬枝穿禹鑿龍門未至

皇清文頌

卷二十一 詩

五

此胡乃三級限鱗鱣

蒙古相傳瀑水以下鱗類甚夥而以上絕無亦甚奇云

吁

嘻泉石誠觀止賞咏自我羌誰先匡廬香爐無足喻

山靈占此永不遷設置飛觴擗管地混沌竅鑿應難

全

射虎行

鬱蔥萬木森虧蔽豁開大澤天無際朝風忽捲嶢峰

烟樹色山光闔蒼翠初來沛里拜

橋山便途較獵導

先制鴈行兩翼圍密合貔旅八旗各標幟太平久經

息兵革進退號令習軍事日未移時肩已倦他他饒

獲麋麇類乍見白額出林叢鼻頭出火人思刺期門

吹飛驟驊驅驅之草淺平川地四圍重排雪鋒鎗負

喝空憶難迴避唐弓夏箭出囊韃命中已決耽耽肯

詎與漢將思爭勇歷艱

祖訓期無愧耳食書生未目覩橫議涉險鮮防備我

笑羽林備過多壹發於菟却先斃

皇清文頌

卷二十一 詩

五

昭陵石馬歌

在昔穆王八駿追雲霞毫荒忘返天之涯太乙況漢

天馬來樂府曾聞產渥洼勤勞血汗事何有雌黃徒

惹詩人口不如漢文却受千里駒吉行五十符陽九

周家岐渭始勤農我朝三韓奮跡實彎弓由來受命

雖有異艱難創業多齊蹤

太宗馬上得天下房駟星輝

天錫嘏

叶

大白小白協安吉

故老云

昭陵前石馬一名大白一名小白

蓋 文皇帝所御也 文皇帝體豐而鎧至今
重乘小白日行百里乘大白祇能行五十里云
立仗

昭陵貽石馬遐思我

祖如唐宗陵園廟號先後同汗趨嘗傳杜甫句闡揚

光烈千秋隆六御今年來故里貞觀遺跡餘荒壘唐

在廣寧縣城東南相傳唐太宗征高麗駐兵之所

文皇曾亦討寒盟謹按昭陵神功聖德碑云天聰二年以朝鮮毀盟討之拔其都

載飛舸於車凌江華島李侗自縛請為臣釋之還并歸其俘獲乘此雙龍渡沮水文

皇清文穎

卷二十一詩

七

綏武服為藩屏萬年正朔奉永清不似李唐東征悔

失計仆碑重建思魏徵

所過連山塔山皆我

太宗文皇帝用武之地而呂翁山則生擒洪承疇處

也蓋有明末季驟加遼餉至八百餘萬竭天

下之力奉東北一隅未收片甲之用而兵食

兩訕人民離畔我

太祖高皇帝一舉薩爾滸而遼左之業成

太宗文皇帝再舉呂翁山而關西之勢定今因叩謁

祖陵親履其地思經營草昧之艱難爰恭紀其事以

示來許俾念

祖宗得天下之不易益勵守成之志亦以舉其殷鑒

明之鹿亡其必有所失之之故也

連山相接塔山峰溝壕壁壘凡幾重以守則固以戰

勝將以勇氣吞遼東增募戍卒號百萬重臣經略操

鐵券朝拜恩命暮縲繼舉棋不定曾無算監軍意氣

皇清文穎

卷二十一詩

七

壯且豪凌駕朝士如兒曹綿山亘海排鐵騎謂當唾

手成勲勞

太宗從容處以暇精兵已伏杏山下金支五色雲上

蟠明卒望見魂驚怕奔走禦侮多英賢投石超距衆

閒閒

君臣一德功乃建人心既單必格

天彼志離兮我志合如枯易摧朽易拉不數唐帝美

良川祇今戰氣猶森颯陸血漂杵海屍浮乘潮鴈驚